

四庫全書

集部

欽定四庫全書

御定佩文齋詠物詩選卷四百十三

猿類

五言古

石塘瀨聽猿

梁沈約

噉噉夜猿鳴溶溶晨霧合不知聲遠近惟見山重沓  
既歡東嶺唱復佇西巖答

賦得夜猿啼

陳蕭詮

桂月影纔通猿啼迴入風隔巖還嘯侶臨潭自響空挂  
藤疑欲飲吟枝似避弓別有三聲淚霑囊竟不窮

三峽吟

宋 徐照

山水七百里上有青楓林啼猿不自愁愁落行人心

七言古

題吳處士猿麋圖

宋 黃庭堅

畫工神品今代無祁嶽一脉傳醉吳幾年傲睨不落筆  
乘興掃去赤縣圖今君所寶亦第一我疑神遇非有筆

青林紅葉晚未暝遙山遠水秋一色五猿踞石相因依  
兩猿挂樹松枝低仰睇側顧麀善疑其二行齒如不知  
昔人畫馬師廢馬畫山直付居山者野猿不馴麀易驚  
貌若渠能寫閒暇草露空荒遠刀机即今放麀誰氏子  
山蜂負毒不足憐盍貸蠮螋留報喜

聽猿

宋  
白玉蟾

三樹五樹啼寒猿一聲兩聲落耳根吾疑耳到猿啼處  
却是猿聲隨風奔猿聲不悲亦不怨吾亦於世何所戀

夜深月白風籟寒聽此忽然毛骨換

題畫

明 李東陽

霜枯古樹秋颼颼枝間老猿罷騰踏戲將長辭撲遊蜂  
半似相欺半相狎岡巒高下路東西由來異類不同棲  
應憐野徑穿花去不作空山抱樹啼君不見場中有果  
房有蜜共趨園林好風日丁寧慎勿採桃花留結山中  
千歲實

五言律

詠猿

唐  
杜甫

裊裊啼虛壁蕭蕭挂冷枝艱難人不見隱見爾如知慣  
習元從衆全生或用竒前林騰每及父子莫相離

放猿

唐  
許渾

殷勤解金鎖昨夜雨淒淒山淺憶巫峽水寒思建谿遠  
尋紅樹宿深向白雲啼好覓來時路煙蘿莫自迷

巴江夜猿

唐  
馬戴

日飲巴江水還啼巴岸邊秋聲巫峽斷夜影楚雲連露

滴青楓樹山空明月天誰知泊船者聽此不能眠

猿

唐曹松

曾宿三巴路今來不願聽雲根啼片白峰頂擲尖青護  
果憎禽啄棲霜覩葉零惟應卧嵐客憐爾傍巖扃

和修睦上人聽猿

唐李咸用

禪客聞猶苦是聲應是啼自然無穩夢何必到巴谿疎  
雨灑不歇迴風吹暫低此宵秋欲半山在二林西

江猿

明薛蕙

舟行轉江峽處處響哀猿極浦雲方合連山雨正昏接  
條時自拄飲水復相援不待三春盡先傷遊子魂

五言排律

雪夜聽猿吟

唐

顧偉

寒巖飛暮雪絕壁夜猿吟歷歷和羣鴈寥寥思客心繞  
枝猶避箭過嶺却投林風冷聲偏苦山寒響更深聽時  
無有定靜裏固難尋一宿扶桑月聊看懷好音

七言律



長安里中聞猿

唐 吳 融

夾巷長門似海深，楚猿爭得此中吟。  
一聲紫陌纔回首，萬里青山已到心。  
慣倚客船和雨聽，可堪侯第見塵侵。  
無因永夜聞清嘯，禁路人歸月自沉。

憶猿

吳 融

翠微雲歛日沈空，叫徹青冥怨不窮。  
連翮影垂秋色裏，斷腸聲盡月明中。  
靜舍煙峽淒淒雨，高弄霜天嫋嫋風。  
猶有北山歸意在，少驚佳樹近房櫳。

黃藤山下聞猿

唐  
韋莊

黃藤山下駐歸程  
一夜號猿動旅情  
入耳便能生百恨  
斷腸何必待三聲  
穿雲宿處人難見  
望月啼時兔正明  
好笑武陵年少客  
壯心無事也沾纓

放猿

唐  
王仁裕

放爾丁寧復故林  
舊來行處好追尋  
月明巫峽堪憐靜  
路隔巴山莫厭深  
棲宿免勞青嶂夢  
躋攀應愜白雲心  
三秋果熟松梢健  
任抱高枝徹曉吟

遇所放猿再作

王仁裕

峯冢祠前漢水濱，飲猿連臂下嶙峋。  
漸來子細窺行客，認得依稀似野賓。  
月宿縱勞羈綫夢，松餐非復稻粱身。  
數聲腸斷和雲叫，識是前時舊主人。

猿皮

宋徐照

路逢巴客賣猿皮，一片蒙茸似黑絲。  
常向小窗鋪坐處，却思空谷聽啼時。  
弩傷忽見痕猶在，笛響誰誇骨可吹。  
古樹團圓行路曲，無人來作野賓詩。

猿

元 无

巴峽聞聲愁斷腸  
冷泉照影綠陰涼  
藤搖亂雨領兒過  
樹曬斜陽拾蝨忙  
獻果去尋幽洞遠  
攀蘿來撼落花香  
空山月暗無人見  
啼入白雲深處藏

五言絕句

遼東山夜臨秋

唐 太宗

煙生遙岸隱月落半崖陰  
連山驚鳥亂隔岫斷猿吟

臨湖亭

唐 裴迪

當軒彌滉漾孤月正徘徊谷口猿聲發風傳入戶來

送張四

唐  
王昌齡

楓林已愁暮楚水復堪悲別後冷山月清猿無斷時

谿行逢雨與柳中庸

唐  
李端

日落衆山昏蕭蕭暮雨繁那堪兩處宿共聽一聲猿

送客之蜀

唐  
楊凌

西蜀三千里巴南水一方曉猿天際斷夜月峽中長

題猿圖

元  
馬祖常

江渚無來鴈山樊有宿猿  
秋高廬橘熟巴月樹連邨

憶事

明 沈泰鴻

空山秋月明處處暮猿清  
不是愁腸斷還聞第四聲

七言絕句

留題雲門

唐 蕭翼

絕頂高峰路不分嵐煙長鎖綠  
苔紋獼猴推落臨崖石  
打破下方遮月雲

早發白帝城

唐 李白

朝辭白帝綵雲間千里江陵一日還  
兩岸猿聲啼不住輕舟已過萬重山

盧谿主人

唐王昌齡

武陵谿口駐扁舟谿水隨君向北流  
行到荆門上三峽莫將孤月對猿愁

寄四明山子

唐施肩吾

高樓只在千峰裏塵世望君那得知  
長憶去年風雨夜向君窗下聽猿時

秋夜山中別友人

施肩吾

何處邀君話別情  
寒山木落月華清  
莫愁今夜無詩思  
已聽秋猿第一聲

失猿

唐  
李商隱

祝融南去萬重雲  
清嘯無因更一聞  
莫遣碧江通箭道  
不教腸斷憶同羣

猿

唐  
段成式

却憶書齋值晚晴  
挽枝閒嘯激蟬聲  
清影沈巴峽  
夜巖色



蹤絕石塘寒瀨聲

猿

唐張喬

挂月樓雲向楚林  
取來全是為清音  
誰知繫在黃金索  
翻畏侯家不敢吟

詠猿

唐周朴

生在巫山更向西  
不知何事到巴谿  
中宵為憶秋雲伴  
遙隔朱門向月啼

猿

唐徐夔

宿有喬林飲一谿  
生來蹤跡遠塵泥  
不知心更愁何事  
每向深山夜夜啼

放猿

唐

吉師老

放爾千山萬里身  
野泉晴樹好為鄰  
啼時莫近瀟湘岸  
明月孤舟有旅人

懷傅茂元

宋

劉子翬

松底柴門盡日關  
主人西去幾時還  
長鏡委地黃精老  
時有寒猿嘯硯山

林高士隱居

元黃庚

家住西湖深更深古松陰裏禮茅君  
白猿攀樹藤花落  
點破巖前一地雲

月嶺猿啼

元葉顥

樹頭清嘯兩三聲紙帳梅花睡欲成  
喚醒冷泉亭上夢  
嶺雲飛動月初明

竹枝詞

明楊慎

無義灘頭風浪收黃雲開處見黃牛  
白波一道青峰裏

聽盡猿聲是峽州

竹枝詞

明  
王叔承

白帝城高秋月明  
黃牛灘急暮潮生  
送君萬水千山去  
獨自聽猿到五更

御定佩文齋詠物詩選卷四百十三

欽定四庫全書

御定佩文齋詠物詩選卷四百十四

狼類

四言古

白狼贊

晉  
郭璞

矯矯白狼有道則遊應符變質乃銜靈鈞惟德是適出  
殷見周

五言古

遣興

唐 杜甫

長陵銳頭兒出獵待明發  
驛弓金爪鏑白馬蹴微雪  
不知所馳逐但見暮光滅  
歸來懸兩狼門戶有旌節

七言絕句

甘不刺川在上都西北七百里外董侯承旨扈  
從北迴過於榆林酒間因及今秋大獮之盛

書六絕以紀其事

錄一

元 王 暉

千里陰山騎四周休誇西伯渭濱遊  
今年校獵饒常歲

一色天狼四十頭

上京即事

元 薩都刺

紫塞風高弓力强  
王孫走馬獵沙場  
呼鷹腰箭歸來晚  
馬上倒懸雙白狼



御定佩文齋詠物詩選卷四百十四

欽定四庫全書

御定佩文齋詠物詩選卷四百十五

狸類

五言古

以野狸餉石末公因侑以詩

明 劉基

野狸性狡猾夜動晝則潛繫之籠檻中耳弭口不咄當  
其得意時足爪長且鈎跳踉逞俊捷攫噬靡有饜貧家  
養一雞冀用易米鹽爾黠弗自食尋聲竊窺覘破柵舔

肉血淋漓汗毛髯老幼起頓足心如刺刀鎌東鄰借筌  
蹄西鄰呼獬豸繫餌翳叢灌設伏抽陰鈐彼機歛已發  
此欲方未快絛繩急纏繞四體如藕黏野人大喜慰不  
敢私烹爇持來請科斷數罪施剗剗使君鎮方面殘賊  
職所殲械送至麾下束縛仍加箝脛膏忝汗鉞羶齒或  
可醃芼芳和糟醬頒賜警不廉黃雀利螳螂碎首泥塗  
露烏鴉殉腐肉噴墨身受淹此物亦足戒申章匪虛談

七言古 附長短句

牛尾狸

宋蘇轍

首如狸尾如牛攀條捷嶮如猱猴橘柚為漿粟為餵筋  
肉不足惟膏油深居簡出善自謀尋蹤發窟并執囚蓄  
租分散身為羞松薪瓦甑烝浮浮壓入糟盎肥欲流熊  
脂羊酪真比儔引筋將舉訊何尤無功竊食人所仇

楊廷秀送牛尾狸侑以長句次韻

宋周必大

江南十月方肅霜小槽初滴鷺兒黃頗思指動異味嘗

門正張羅誰末將披綿強來推不去枯蝦欲進上之戶  
羊羶豕腥猶可厭肪截脂凝在何處草玄子雲黃門郎  
遺我黑面質白章形之硬語弩力強寫以奇字伴史倉  
愧無纖手色傾國壓糟磨刀走臧獲喜於左手持蟹黃  
美勝八珍熟熊白古來貍首歌侯門名以牛後真屈君  
從今玉汝洗俗諺好與紈袖陪梁園公詩如貂不煩削  
我續狗尾句空著

牛尾貍

宋 楊萬里

狐公韻勝冰玉肌字則未聞名季狸誤隨齊相燧牛尾  
策勲分作糟丘子子孫世世襲膏粱黃雀子魚鴻鴈行  
先生試與季狸語有味其言須聽取

七言律

送牛尾狸與徐使君

宋蘇軾

風卷飛花自入帷一尊遙想破愁眉泥深厭聽雞頭鶻  
酒淺欣嘗牛尾狸通印子魚猶帶骨披綿黃雀漫多脂  
殷勤送去煩纖手為我磨刀削玉肌

七言絕句

牛尾狸

宋朱松

壓糟玉面天涯見  
琢雪庖霜照眼明  
投箸羞顏如甲厚  
南山白額正橫行

御定佩文齋詠物詩選卷四百十五

欽定四庫全書

御定佩文齋詠物詩選卷四百十六

兔類

五言古

舟中雜詠

元  
袁  
桷

家奴拾枯草走兔來相親  
生來不識兔却立驚其神  
行人笑彼拙歸來始嘖呻  
乃知特幸脫未信吾奴仁

七言古 附長短句



狡兔行

唐蘇拯

秋來無骨肥鷹犬徧原野草中三穴無處藏何況平田  
無穴者

永叔白兔

宋梅堯臣

可笑嫦娥不了事却走玉兔來人間分寸不落獵人口  
滁州野人獲以還霜毛丰茸目睛殷紅條金練相繫掬  
馳獻舊守作異玩况乃已在蓬萊山月中辛勤莫擣藥  
桂傍杵白今應閒我欲拔毛為白筆研朱寫詩破公顏

永叔云諸君所作皆以嫦娥月宮為說願以新

意別作一篇

梅堯臣

毛氏穎出中山中衣白兔褐求文公文公嘗為穎作傳使穎名字傳無窮徧走五嶽都不逢乃至琅琊聞醉翁傳是昌黎之後身文章節行一以同滁人喜其就籠紕遂與提攜來自東見公於鉅鼇之峰正草命令詞如虹筆禿願脫穎以從赤身謝德歸蒿蓬

白兔

宋  
歐陽脩

天冥冥雲濛濛白兔擣藥嫦娥宮玉闕金鎖夜不閉竄  
入滁山千萬重滁泉清甘瀉大壑滁草軟翠搖輕風渴  
飲泉困棲草滁人遇之豐山道網羅百計偶得之千里  
持為翰林寶翰林酬酢委白璧珠箔花籠玉為食朝隨  
孔翠伴暮綴鸞鳳翼主人邀客醉籠下京洛風埃不霑  
席羣詩名貌極豪縱爾兔有意果誰識天資潔白已為  
累物性拘繫盡無益上林榮落幾時休回首峰巒斷消  
息

信都公家白兔

宋 王安石

水晶為宮玉為田  
嫦娥縞衣洗朱鉛  
宮中老兔非日浴  
天使潔白宜嬋娟  
揚鬚弭足桂樹間  
桂花如霜亂後前  
赤鴉相望窺不得  
空疑兩瞳射日丹  
東西跳梁自長久  
天畢橫施亦何有  
憑光下視置網繁  
衣褐紛紛謾回首  
去年驚墮滁山雲  
出入墟莽猶無羣  
竒毛難藏果見獲  
千里今以窮歸君  
空衢險幽不可返  
食君庭除嗟亦窘  
令予得為此免謀  
豐草長林且遊行

放兔行

宋 秦 觀

兔飢食山林兔渴飲川澤與人  
不瑕疵馬用苦求索天  
寒草枯盡見窘何太迫上有  
蒼鷹虞下有黃犬厄微命  
無足多所恥敗頭額敢期揮  
金遇倒索無難色雖乖獵  
者意頗塞仁人責兔兮兔兮  
聽我言月中仙子最汝憐  
不如亟返月中宿休顧高巖  
并嶽麓

兔

元 趙孟頫

少年馳逐燕齊郊身騎駿馬如騰蛟  
耳後生風鼻出火

大呼討來

元國語呼  
兔為討來

飛鳴髀如今老大百憂集拄杖徐行

防喘急卷中見畫眼為明驥聞秋風雙耳立

竹樹圖

元楊載

荆棘蒙籠迷竹樹亂堆古石蒼苔護縱獵青郊懷舊路  
躍馬重岡追狡兔箭翎落地無尋處

五言律

詠兔

唐李嶠

上蔡應初擊平岡遠不稀目隨槐葉長形逐桂條飛漢

月澄秋色梁園映雪輝惟當感純孝郭郭引兵威

恭題黑兔圖

明張四維

黑兔人間少疑從北極來聖朝今再見瑞牒喜重開玉  
杵成靈藥瑤池薦壽杯周且應有詠梁賦不須裁

五言排律

恭題黑兔圖應制

明申時行

梁苑馴遊日周京率舞時重陰符水德千載表宸禧似  
與陽烏並還將霧豹疑玉衡光乍掩縣圃色全移擣藥

參神鼎開置賴聖慈干城猶在野應誦國風詩

七言律

應制詠白兔

金楊雲翼

聖德如天物效祥禍夫新賜雪衣裳光搖玉斗三千丈  
氣傲金風五百霜禁籞合棲瑤草影御爐猶認桂枝香  
中興慶事光圖譜黼座齊稱萬壽觴

黑兔

明曾棨

傳聞三穴久儲精日啖玄霜異質成八竅總含蒼露濕



一身斜軀黑雲輕行來青瑣應難覓立向瑤臺却盡驚  
自是太平多瑞物願隨毛穎詠干城

五言絕句

從獵

唐韓偓

獵犬諳斜路宮嬪識認旗馬前雙兔起宣示羽林兒

七言絕句

宮詞

唐王建

新秋白兔大於拳紅耳霜毛趁草眠天子不教人射殺

玉鞭遮到馬蹄前

黃荃子母兔

明  
高啓

陽坡日暖眼迷離  
芳草春眠對兩兒  
誰道姮娥曾作伴  
廣寒孤宿已多時



御定佩文齋詠物詩選卷四百十六

欽定四庫全書

集部

御定佩文齋詠物詩選卷四百

十七至  
二十四

詳校官侍郎臣李 封

主事臣徐以坤覆勘

總校官檢討臣何思鈞

校對官中書臣高 中

謄錄監生臣黃憲度

欽定四庫全書

御定佩文齋詠物詩選卷四百十七

貓類

七言律

貓飲酒

金  
李純甫

枯腸痛飲如犀首奇骨當封似虎頭  
嘗笑廟謨空食肉  
何如天隱且糟丘  
書生幸免翻盆惱  
老婢仍無觸鼎憂  
只向北門長卧護  
也應消得醉鄉侯

乞貓

明文徵明

珍重從君乞小狸  
女郎先已辦氍毹  
自緣夜榻思高枕  
端要山齋護舊書  
遣聘自將鹽裹箸  
策勲莫道食無魚  
花陰滿地春堪戲  
正是蠶眠二月餘

七言絕句

貓兒

宋林逋

織鈎時得小谿魚  
飽卧花陰興有餘  
自是鼠嫌貧不到  
莫慚尸素在吾廬

乞貓

宋  
黃庭堅

秋來鼠輩欺貓去倒篋翻盆攪夜眠  
聞道狸奴將數子買魚穿柳聘銜蟬

醉貓圖

金  
元好問

窟邊癡坐費工夫側輓橫眠却自如  
料得仙師曾細看牡丹花下日斜初

其二

飲罷雞蘇樂有餘花陰真是小華胥  
但教殺鼠如山了

四脚撩天却任渠

不出

金  
劉仲尹

好詩讀罷倚團蒲  
唧唧銅瓶沸地爐  
天氣稍寒吾不出  
毳氍分坐與狸奴

狸奴畫軸

金  
王良臣

三生白老與烏員  
又現吳生小筆前  
乞與黃家襍鼠禍  
莫教虛費買魚錢

題睡貓圖

元  
柳貫



花陰閒卧小於菟堂上。鸚鵡錦繡鋪放。下珠簾春不管。  
隔籠鸚鵡喚狸奴。

御定佩文齋詠物詩選卷四百十七

欽定四庫全書

御定佩文齋詠物詩選卷四百十八

鼠類

四言古

飛鼠贊

晉

郭璞

或以尾翔或以鬣凌飛鳴鼓翰儵然皆騰用無常所惟  
神斯憑

鼯鼠贊

郭璞

有鼠豹采厥號為鼯漢朝莫知中郎能名賞以束帛雅業遂盛

鼯鼠贊

郭璞

鼯之為鼠食煙棲林載飛載乳乍獸乍禽皮藉孕婦人為大任

鼯鼠贊

郭璞

小鼠曰鼯實有螫毒乃食郊牛不恭是告厥譴惟明徵乎其覺

鼯鼠贊

郭璞

五能之鼠技無所執應氣而化翻飛駕集詩人歌之無  
食我粒

五言古

竹鼯

宋蘇軾

野人獻竹鼯腰腹大如盎自言道傍得來不費且網鷗  
夸讓員滑混沌慚瘦爽兩牙雖有餘四足僅能髣逢人  
自驚蹶悶若兒脫襁念此微陋質刀几安足枉就擒太

倉卒羞愧不能饗南山有孤熊擇獸行舐掌

七言古

飢鼠行

明龔詡

燈火乍息初入更飢鼠出穴啾啾鳴齧書翻盆復倒甕  
使我頻驚不成夢狸奴徒爾誇銜蟬但知飽食終夜眠  
癡兒計拙真可笑布被蒙頭學蟬叫

五言律

黃鼠

元許有壬

北產推珍味南來怯陋容  
瓠肥宜不武人拱若為恭  
發掘憐禽獮招徠或水攻  
君毋急盤饌幸自不穿墉

七言絕句

夜半

唐  
李商隱

三更三點萬家眠  
露欲為霜月墮煙  
鬪鼠上牀蝙蝠出  
玉琴時動倚窗絃

秋宿長安韋主簿廳

唐  
李洞

水木清涼夜直廳  
愁人樓上唱寒更  
坐勞同步簷前月

鼠動牀頭印鎖聲

明安驛道中

元陳孚

黃沙浩浩萬雲飛  
雲際草深黃鼠肥  
貂帽老翁騎鐵馬  
曾前抱得黃羊歸

錢舜舉碩鼠圖

元鄧文原

禾黍連雲待歲功  
爾曹竊食素餐同  
平生貪黠終何用  
看取人間五技窮

讀瀛海喜其絕句清遠因口號數詩示九成皆



實意也

元張翥

客窗昨夜北風高，猶似乘船海上濤。  
明發先宜覓貂鼠，喚人來作禦寒袍。

和胡士恭灤陽納鉢即事韻

元貢師泰

蕎麥花深野韭肥，烏桓城下客行稀。  
健兒掘地得黃鼠，日暮騎羊齊唱歸。

松鼠葡萄畫

元貢性之

猿似獼猴捷似猱，栗梢走過又松梢。  
紫葡萄若使知滋味

一日能來一百遭

其二

野鼠公然不避人立當高樹竟忘身世間嗜慾多如此  
寄語園丁莫浪嗔

元宮詞

明朱有燬

侍從常向北方遊龍虎臺前正麥秋信是上京無暑氣  
行裝五月載貂裘

采真詩再為慧虛度師恭撰

明屠隆

仙鼠飛飛似白鴉  
靈泉盡日浴金沙  
只聞洞裏人吹笛  
不見空中女散花

御定佩文齋詠物詩選卷四百十八

欽定四庫全書

御定佩文齋詠物詩選卷四百十九

猩猩類

附萬萬

四言古

猩猩贊

晉

郭璞

能言之獸是謂猩猩厥狀似猴號音若嬰自然知往頗  
識物情

萬萬贊

郭璞

萬萬怪獸披髮操竹獲人則笑脣蓋其目終亦號咷反  
為我戮

七言絕句

送蜀客

唐  
張籍

蜀客南行祭碧雞  
木棉花發錦江西  
山橋日晚行人少  
時見猩猩樹上啼

送僧南遊

唐  
方干

三秋萬里五谿行  
風裏孤雲不計程  
若念猩猩解言語

放生先合放猩猩

竹枝詞

明  
王叔承

綠酒娟娟白玉瓶  
醱釀花發語猩猩  
竹枝歌斷人無那  
十二峰頭暮雨青

御定佩文齋詠物詩選卷四百十九



欽定四庫全書

御定佩文齋詠物詩選卷四百二十

雜獸類

四言古

比肩獸贊

晉  
郭璞

歷與駮虛乍兔乍鼠長短相濟彼我俱舉有若自然同  
心共膺

五言古

有獺吟

唐  
劉禹錫

有獺得嘉魚自謂天見憐  
先祭不敢食捧鱗望青玄  
人立寒沙上心專眼悁悁  
漁翁以為妖舉塊投其咽  
呼兒貫魚歸與獺同烹煎  
闕闕黃金鶚大翅搖江煙  
下見盈尋魚投身擘洪漣  
攫拏隱嶙去哺雛林岳巔  
鳴鳥欲伺隙遙噪莫敢前  
長居青雲路彈射無由緣  
何地無江湖何水無鮪鱸  
天意不宰割菲祭徒虔虔  
空餘知禮重載在淹中篇

胡克遜

明  
湯顯祖

人言西北邊有獸名為遜性不喜獸鬪遠巡解其困獵  
者知如此設鬪日馴近相愁來解紛陰遭此人刃食肉  
寢其皮似貉花文嫩西州貴將吏茵褥厚常寸萬萬笑  
何憫猩猩啼莫恨此獸仁有禮錯莫身為殉世有麒麟  
皮為鞞復何問

五言律

題追糶圖

明  
周叙

朝罷鳴笳動終南  
校獵遊追糴應適  
意銜檠却忘憂日  
入黃雲暮風生碧  
草秋從官無諫疏  
老去憶韓休

御定佩文齋詠物詩選卷四百二十

欽定四庫全書

御定佩文齋詠物詩選卷四百二十一

總禽鳥類

四言古

歸鳥

晉陶潛

翼翼歸鳥載翔載飛雖不懷遊見林情依  
遇雲頡頏相鳴而歸遐路誠悠性愛無遺

其二

翼翼歸鳥戢羽寒條遊不曠林宿則森標晨風清興好  
音時交贈繳奚施已卷安勞

五言古

送劉散負同賦陳思王詩得好鳥鳴南枝

唐  
劉斌

春林已自好時鳥復和鳴枝交難奮翼谷靜易流聲間  
闕纔得性贈繳遽相驚安知背飛遠拂霧獨晨征

舟中聞春禽寄江陰包鶴洲

明  
楊基

山中無音樂，絲竹在禽鳥。嚶嚶呼春晴，嚶嚶報春曉。嬌吟與柔哢，圓滑鬪新巧。知君在山中，樂此長不少。疏籬密竹外，深澗綠樹表。青鞵踏花影，信步聽未了。歸去聞箏聲，應怪銀甲小。我來行一月，風雨春江渺。今朝豁晴霽，孤禽破幽悄。鏗如女媧笙，忽作餘音嫋。平生黃鐘耳，直欲辨分秒。萬事付松風，脩然坐秋艸。

神龍祠旁二鳥

明王履

祠邊兩小鳥，相依道人室。厨中炊飯香，即至不一失。啄

粟就掌內了無猜與粟歲月知幾何相忘祇如一乃知  
豚魚信固自我所出幽幽入靜極賴盡山空虛我輩若  
不來鳥外其誰歟形性本不同形性本不異回首看流  
雲悠然似吾意

七言古

附長短句

啼鳥

宋

歐陽修

深山候至陽氣生百物如與時節爭官居荒涼艸樹密  
撩亂紅紫開繁英花深葉暗耀朝日一暖衆鳥皆嚶鳴



鳥言我豈解爾意綿蠻但愛聲可聽南窓睡多春正美  
百舌未曉催天明黃鸝顏色已可愛舌端啞咤如嬌嬰  
竹林靜啼青竹筍深處不見惟聞聲陂田繞郭白水滿  
戴勝穀穀催春耕誰謂鳴鳩拙無用雄雌各自知陰晴  
雨聲瀟瀟泥滑滑草深苔綠無人行獨有花上提葫蘆  
勸我沽酒花前傾其餘百種各嘲啗異鄉殊俗難知名  
我遭多口身落此每聞巧舌宜可憎春到山城苦寂寞  
把盞長恨無娉婷花開鳥語輒自醉醉與花鳥為交朋

花能嫣然顧我笑鳥勸我飲非無情身閒酒美惜光景  
惟恐鳥散花飄零可笑靈均楚澤畔離騷憔悴愁獨醒

鳥啼

宋  
陸游

野人無歷日鳥啼知四時二月聞子規春耕不可遲三  
月聞黃鸝幼婦憫蠶飢四月鳴布穀家家蠶上簇五月  
鳴鴉舅苗穉憂草茂人言農家苦望晴復望雨樂處誰  
得知生不識官府葛衫麥飯有即休湖橋小市酒如油  
夜夜扶歸常爛醉不怕行逢灞陵尉

王若水為畫秋江衆禽圖

明袁凱

錢唐王宰心思長欲與造化爭毫芒下筆百鳥相趨蹌  
前身豈是孤鳳皇江頭芙蓉花正開花下細浪亦縈洄  
鴛鴦貼貼天際來雄雌相隨氣和諧一雙鴛鴦睡沙尾  
野鳧翩翩唼菰米羣鷗爭浴故未已傾落枯荷葉中水  
脊令飛飛多急難睢鳩意度誠幽閒乃知良工有深意  
不在丹青形似間姑蘓臺前秋氣孤五羊城下煙疎疎  
此時此景真相似獨少扁舟釣魚宰也如今成老夫

愛我不辭為此圖我今親老無可養慎勿重添反哺烏

畫禽

明  
李東陽

高棲野雀低飛燕長在峰頭與谿面竹雞啼徹雨初晴  
山脚泥深路如綫崖根老樹回餘青樹間雙鵲閒無聲  
祇應識得山中樂無復人間送喜情

四禽圖

李東陽

空山雨過枇杷樹黃顆纍纍不知數金衣公子正多情  
鶯墮金丸欲飛去海榴花殘紅子新沙上鳧鷖來往頻

每從水淺花深處  
遙見隔花臨水人  
山禽關關水禽語  
脈脈幽期似相許  
莫負天晴日暖時  
一春江上多風雨

其二

江南山深冬日暖  
湖水無澌湖水滿  
幽林晚徑斷人行  
落盡梅花春不管  
山茶花發爭芳菲  
翠翎蠟背相光輝  
煙生錦嶼寒猶戀  
雪滿銀塘夜未歸  
疎林落羽紛凌亂  
回首青霄各分散  
谿上鷺鷥獨有情  
春來冬去長為伴

其三

珊瑚出海海見底誰掣長竿臨海水黑風吹霧卷冥濛  
化作禽飛向空起北人未熟南禽名嶺外方言如鳥聲  
由來珍異非國寶須識君王却貢情

春谿聚禽圖

明 吳 寬

春谿遠發春山中一夜好雨谿流通綠波泛漲渺無際  
但見桃花千點紅鷺鷥鸞鷓何容與散亂中流錦為羽  
倉廩獨似避遊人去踏花枝落紅雨艸深哺子芳洲晴  
葉暗仍聞求友聲展圖便有會心處放棹欲作春谿行

元裳縞衣彼何者為戀高松倚平野莫論鴻鵠志安知  
名字俱標在埤雅

五言律

春鳥詩送元秀才入京

唐顧況

春來繡羽齊暮向竹林棲禁苑銜花出河橋隔樹啼尋  
聲知去遠顧影念飛低別有無巢燕猶窺幕上泥

生春

唐元稹

何處生春早春生鳥思中鵲巢移舊歲戴羽旋高風鴻

鴈驚沙暖鴛鴦愛水融  
最憐雙翡翠飛入小梅叢

北禽

唐  
李商隱

為戀巴江暖無辭瘴霧蒸  
縱能朝杜宇可得值蒼鷹  
石小虛填海蘆銛未破  
矧知來有乾鵲何不向雕陵

聞鳥

明  
龔用卿

入戶聞啼鳥芳園三五家  
竹陰苔沒砌庭靜蝶爭花  
籬菊春芽出亭槐午影斜  
憑高遙送日夕照數歸鴉

鳥散餘花落

明  
皇甫汈



春來啼鳥伴相逐  
百花中栖處迷深綠  
飛時帶淺紅  
祇惜香沾羽  
非關嬌惹風  
回看意不盡  
猶自戀芳叢

五言排律

鳥散餘花落

唐  
趙存約

春曉遊禽集幽庭  
幾樹花坐來驚艷色  
飛去墮晴霞  
翅拂繁枝落  
風添舞影斜  
彩雲飄玉砌  
絳雪下仙家  
分散音初靜  
凋零蕊帶葩  
空階瞻玩久  
應共惜年華

賦得好鳥鳴南枝

唐  
鄭 袞

養嗣非無待遷喬信自卑影高遲日度聲遠好風隨雲  
拂千尋直花催百轉竒驚人時向晚求友聽應知委質  
經三歲先鳴在一枝上林如可託弱羽願差池

鳥散餘花落

唐  
竇洵直

晚樹春歸後花飛鳥下初參差分羽翼零落滿空虛風  
外清音轉林邊艷影疎輕盈疑雪舞彷彿似霞舒萬片  
情難極遷喬思有餘微臣一何幸吟賞對宸居

七言律

中夜聞啼禽

唐  
吳融

漠漠蒼蒼未五更，宿禽何處兩三聲。  
若非西澗回波觸，即是南塘急雨驚。  
金屋獨眠堪寄恨，高陵永訣更牽情。  
此時歸夢隨腸斷，半壁殘燈閃閃明。

翫水禽

唐  
韓偓

兩兩珍禽渺渺谿，翠襟紅掌淨無泥。  
向陽眠處莎成毯，踏水飛時浪作梯。  
依倚雕梁輕社燕，抑揚金距笑晨雞。  
勸君細認漁翁意，莫遣絙羅誤穩棲。

提刑司勳示及暎禽圖作詩詠之

宋文同

朱華盛發穿疎竹寒枿齊枯徧野磯大雪蔽天方亂下  
衆禽爭地各相依非公好事誰能得此畫如今自己稀  
試待晴明挂軒壁定開羣眼一時飛

鳥聲

明邵寶

一鳥不鳴山可憐更憐鳴鳥過檐前友聲信有如鶯語  
喜報曾聞是鵲傳南國音成非別調北窓夢醒正閒眠

近來習靜心初定，獨把無聲寄五絃。

五言絕句

浴浪鳥

唐  
盧照鄰

獨舞依磐石，羣飛動輕浪。奮迅碧沙前，長懷白雲上。

九隴津集

盧照鄰

落落樹陰紫，澄澄水華碧。復有翻飛禽，徘徊疑曳舄。

曉

唐  
賀知章

故鄉杳無際，江臯聞曙鐘。始見沙上鳥，猶埋雲外峰。

木蘭柴

唐王維

秋山斂餘照飛鳥逐前侶彩翠時分明夕嵐無處所

鳥鳴澗

王維

人間桂花落夜靜春山空月出驚山鳥時鳴春澗中

竹里館

唐裴迪

來過竹里館日與道相親出入惟山鳥幽深無世人

江行雜詩

唐錢起

渚禽菱芡足不向稻梁爭靜宿深灣月應無失侶聲

贈同遊者

唐 韓愈

喚起窓全曙，催歸日未西。  
無心花裏鳥，更與盡情啼。

晚望

唐 白居易

江城寒角動沙洲，夕鳥還獨在高亭上。  
西南望遠山

谿居

唐 裴度

門迳俯清谿，茅檐古木齊。  
紅塵飄不到，時有水禽啼。

獨望

唐 司空圖

綠樹連邨暗，黃花出陌稀。  
遠陂春艸綠，猶有水禽飛。

雜詩絕句

宋 梅堯臣

岸旁草樹密，往往不知名。其間有啼鳥，似與船相迎。

春日

宋 楊萬里

春醉非關酒，郊行不問途。青天何處了，白鳥入空無。

和韋蘓州秋齋獨宿

金 趙秉文

冷暈侵殘燭，雨聲在深竹。驚鳥時一鳴，寒枝不成宿。

郊居寓目隨事輒題

元 袁 易

把酒清江上，扁舟送夕暉。行雲杯裏度，白鳥鏡中飛。



問梅閣

明 高 啟

問春何處來春來在何許月墮花不言幽禽自相語

曉發山驛

高 啟

風殘杏花曉馬上聞啼鳥茅店未開門山多住人少

題翎毛小景

明 錢 宰

紅子秋樹老黃花晚節寒幽禽雙白頰託爾一枝安

題花木翎毛畫

明 葉子奇

濛濛花上霧五月海榴紅幽禽哢晴晝葉底聽惺惚

散步

明 魯鐸

細艸緣蹊軟晴朝步屨遲往來深樹裏啼鳥不曾知

宿華亭寺

明 楊慎

花樹高於屋紅霞夜照人聲聲枝上鳥也似惜餘春

桃花小禽圖

明 僧德祥

簷外雨初晴幽禽四五聲桃花無限思畱客看清明

六言絕句

清明別墅小集

宋 孫覲

兀兀三杯卯困昏昏一枕春融酒醒落花風裏夢回啼  
鳥聲中

楊氏山莊

明高啟

斜陽流水幾里啼鳥空林一家客去詩題柿葉僧來供  
煮藤花

舟中偶成

明史鑑

清澤莊頭釣艇奉先院裏禪牀綠樹數聲啼鳥青山一  
抹斜陽

七言絕句

解悶

唐  
杜甫

草閣柴扉星散居  
浪翻江黑雨飛初  
山禽引子哺紅果  
谿女得錢留白魚

桂江中題香臺頂

唐  
劉言史

岩岩香積凌空翠  
天上名花落幽地  
老僧相對竟無言  
山鳥却呼諸佛字

題大安池亭

唐  
雍陶

幽島曲池相掩映小橋虛閣半高低好風好月無人宿  
夜夜水禽船上棲

王官

唐司空圖

荷塘煙草小齋虛景物皆宜入畫圖盡日無人只高卧  
一雙白鳥隔紗厨

越鳥

唐鄭谷

背霜南鴈不到處倚棹北人初聽時梅雨滿江春艸歇  
一聲聲在荔枝枝

水鳥

唐  
吳融

煙為行止水為家  
兩兩三三睡暖沙  
為謝離鸞兼別鵲  
如何禁得向天涯

晏起

唐  
韋莊

爾來中酒起常遲  
卧看南山改舊詩  
閉戶日高春寂寂  
數聲啼鳥上花枝

幽居春思

韋莊

綠映紅藏江上邨  
一聲雞犬似仙源  
閉門盡日無人到

翠羽春禽滿樹喧

聞春鳥

韋莊

雨晴春鳥滿江邨  
還似長安舊日聞  
紅杏花前應笑我  
我今憔悴亦羞君

訪陳處士

宋蔡襄

橋畔脩篁下碧谿  
君家元在此橋西  
來時不似人間世  
日暖花香山鳥啼

從尹師魯飲香山石樓

蔡襄

霜後丹楓照曲隄酒闌明月下前谿石樓夜半空中笑  
驚起飛禽過水西

金陵即事

宋

王安石

昏黑投林曉更驚背人相喚百般鳴柴門長閉春風暖  
事外還能見鳥情

隨意

王安石

隨意柴荆手自開沿岡度塹復登臺小橋風露扁舟月  
迷鳥羈雌竟往來



書辨才白雲堂壁

宋 蘇軾

不辭清曉叩松扉，却值支公久不歸。  
山鳥不鳴天欲雪，卷簾惟見白雲飛。

絕句

宋 陳師道

密密丹房疊疊花，一枝臨路為人斜。  
丁寧語鳥傳春意，白下門東第幾家。

晚雪湖上

宋 文同

朔風吹雪滿橫湖，衆鳥歸栖日欲晡。  
獨坐水軒人不到。

滿林如挂暝禽圖

七月十六日題南禪院壁

宋張耒

秋林落葉已斑斑  
秋日當庭尚掩關  
掃榻晝眠聽鳥語  
可知身世此時閒

聽鳴禽

張耒

流滯江邊鬢已霜  
又聞春鳥啁朝陽  
他時北去懷陳迹  
寒竹疎梅黃土岡

曉雨

張耒

輕陰江上千峰秀  
小雨牆邊百艸生  
惟有春禽慰孤客  
曉啼渾似故園聲

閒居

宋 陳 造

種桃接李不辭勤  
旋作花前把酒人  
羨煞文禽映花語  
飛來趁得見成春

春日

宋 陳與義

朝來庭樹有鳴禽  
紅綠扶春上遠林  
忽有好詩生眼底  
安排句法已難尋

吳門道中

宋 孫 覲

一點炊煙竹裏邨  
人家深閉雨中門  
數聲好鳥不知處  
千丈藤蘿古木昏

遊金沙寺寺有陸希聲侍郎讀書堂在顚山上  
孫 覲

綠筍遺苞半出籬  
清谿一曲翠相迷  
古苔稱意壞牆滿  
好鳥盡情深樹啼

偶作

宋 程 俱

薰風習習動林光  
紫翠陰中艸木香  
山鳥一聲清晝永  
白雲深處北窓涼

野望

宋

朱子

登高立馬瞰晴川  
四面平林接暝煙  
東望可堪頻極目  
歸心已度鳥飛前

睡覺

宋

范成大

尋思斷夢半曾騰  
漸見天窓紙瓦明  
宿鳥噪羣穿竹去  
縣前猶自打殘更

窓下戲詠

宋 陸 游

飛來山鳥語惺惚却是幽人半睡中  
新竹成陰無彈射不妨同向北窓風

蚤行鳴山

宋 楊萬里

淡淡清霜薄薄水曉寒端為作新晴殷  
勤喚醒梅花睡枝上春禽一兩聲

携家小歇嚴州建德縣簿廳曉起

楊萬里

不堪久客只思歸  
曉起巡檐強撚髭  
偶聽梅梢啼一鳥  
舉頭立看獨多時

歸途過銅官山

宋戴昺

山徑崎嶇落葉黃  
青松疎處漏斜陽  
鳴禽無數聲相應  
一陣微風野菊香

高陽道中

金劉汲

杏花開過野桃紅  
榆柳中間一徑通  
禽鳥不呼邨塢靜  
滿川煙雨淡濛濛

即事

金 劉 昂

山花山雨相兼落  
谿水谿雲一樣閒  
野店無人問春事  
酒旗風外鳥關關

扇圖

金 許 古

雲壓谿塘小雪春  
融融和氣浥輕塵  
山禽共作梅花夢  
物性由來嬾是真

草堂春暮橫披

金 馮 璧

遷客倚樓家萬里  
五陵飛鞚酒千金  
州堂淡與青山對



幽鳥一聲春已深

憶舊

金  
曹用之

花鳥巡檐喚曉晴  
喚來和氣滿春城  
春風二十年前客  
煮酒青梅也後生

雜詩

金  
劉 豫

竹塢人家瀕小谿  
數枝紅杏出疎籬  
門前山色帶烟重  
幽鳥一聲春日遲

全氏小樓與南山相對  
殆几案間物也  
暇日觴

予其上索賦鄙作因口占三絕句

錄一

元 王 暉

東籬遙見喜悠然  
況在風煙咫尺間  
滿勸銀杯畱客醉  
夕陽佳處鳥飛還

春盡

元 劉 因

草閣垂簾晝掩扉  
客來知我出門稀  
鳥鳴淡與人相對  
花落方知春已歸

懷德清別業

元 趙孟頫

楊林堂下百株梅傲雪凌寒次第開  
枝上山禽曉啁晰  
定應喚我早歸來

晚訪仲章不遇

元 袁 桷

小院春濃落照間  
碧篁相對乳禽還  
晚風陣歇遊絲盡  
留得歸雲在屋山

閩浙之交

元 馬祖常

路入閩中盡翠微  
家家蕉葛作秋衣  
石墻遮竹松圍屋  
時有丹禽哺子歸

黃華山中

元 許有壬

道人邂逅一開顏，為借筇枝策我孱。  
鳥語畱人還小住，晚風吹破水中山。

睡起偶成

元 許楨

賦詩舒嘯杖藜行，水色山光不世情。  
醉卧午窓誰喚醒，柳陰啼鳥兩三聲。

徽宗畫梨花青禽圖

元 虞集

宿雨初收禁林寂，玉峇臨窻看春色。  
蒺藜沙上暖塵飛。

何處人間作寒食

桃花幽禽圖

元 陳旅

金塘花竹灩春紅  
枝上幽禽弄暖風  
莫把殘英都蹴盡  
無情流水畫橋東

題雪禽

元 李邴

幽禽棲穩棘枝低  
黯慘江天雪四圍  
明日郊原晴爛熳  
好尋芳樹弄毛衣

絕句

元 倪瓚

醉喚吳姬舞蹈筵風闌花陣亦回旋愁生細雨寒煙外  
詩在青蘋白鳥邊

雨中春望

明高啟

郡樓高望見江頭油壁行春事已休落盡棠梨寒食雨  
只應啼鳥不知愁

過北塘道中

高啟

渺渺一徑兩陂間揚柳初發水潺潺驚魚忽散人影盡  
啼鳥時來春意闌

棘竹三禽圖

高啟

棘枝疎瘦竹枝低  
三鳥寒多每並棲  
月落山空秋夢斷  
不知誰箇最先啼

三十六灣

明楊士奇

湘陰縣南江水斜  
春來兩岸無人家  
深林日午鳥啼歇  
開徧滿山紅白花

次錢文伯題雲林詩韻

明沈應

紅葉橋邊艸舍低  
半灘斜照水平谿  
舊時曾記求詩過

疎雨桐花幽鳥啼

舟中暮歸

明  
張泰

斷柳殘沙不掩堤  
葦叢幽稱水禽棲  
半江斜照將秋色  
相送歸船到竹谿

初晴

明  
陳憲章

初晴樓上燕飛樓下歌人白苧衣  
一曲未終花落去  
滿林啼鳥送春歸

喜晴

陳憲章



西林收雨鵝鳩靈卷被開窓對曉晴風日醉花花醉鳥  
竹門啼過兩三聲

題畫

明  
沈周

愛是垂楊嫩綠齊放舟遲日弄春谿滄浪自唱無人和  
飛過水禽能一啼

其二

碧水丹山映杖藜夕陽猶在小橋西微吟不道驚谿鳥  
飛入亂雲深處啼

放苑內諸禽

明 陳沂

多年調養在雕籠  
放出初飛失舊叢  
祇為恩深不能去  
朝來還繞上陽宮

題畫

明 龔用卿

獨向江頭坐釣磯  
浮嵐空翠照春衣  
臨流回首看歸鳥  
高樹無風山葉飛

聞鳥

明 陳淳

重重煙樹鎖招提  
野客來尋路不迷  
纔過板橋塵土隔

落花無數鳥爭啼

雨晴

明  
夏雲英

海棠初種竹新移  
流水潺潺入小池  
春雨乍晴風日好  
一聲啼鳥過花枝

御定佩文齋詠物詩選卷四百二十一

欽定四庫全書

御定佩文齋詠物詩選卷四百二十二

鳳類

附鸞

四言古

鳳頌

吳  
薛綜

猗與石磬金聲玉振先王搏拊以正五音百獸翔感儀  
鳳舞麟在昔堯舜斯磬乃臻宗廟致敬乃肯來顧贊揚  
聖德上下受祚

五言古

贈從弟

魏  
劉楨

鳳凰集南岳徘徊孤竹根於心有不厭奮翅凌紫氛豈  
不常勤苦羞與黃雀羣何時當來儀將須聖明君

賦得威鳳棲梧

陳  
張正見

丹山下威鳳來集帝梧中欲舞春花落將飛秋葉空影  
照龍門水聲入洞庭風別有將雛曲翻更合絲桐

古意

唐  
王績

彩鳳將欲歸提羅出郊訪羅張大澤已鳳入重雲颺朝  
棲崑閨木夕飲蓬壺漲問鳳那遠飛賢君坐相望鳳言  
荷深德微禽安足尚但使雛卵全無令增繳放皇臣力  
牧舉帝樂簫韶暢自有來巢時明年阿閣上

鳳凰曲

唐

李白

羸女吹玉簫吟弄天上春青鸞不獨去更有携手人影  
滅彩雲斷遺聲落西秦

古風

李白

鳳飢不啄粟所食惟琅玕  
馬能與羣雞刺促爭一餐  
朝鳴崑丘樹夕飲砥柱湍  
歸飛海路遠獨宿天霜寒  
幸遇王子晉結交青雲端  
懷恩未得報感別空長歎

雜詩呈逢原

宋孫覺

鴻雁最知時未逃羅與網  
不能忘稻梁千里安得往  
鳴蜩腹空虛見啄因其響  
丹鳳穴九霄虞人常夢想

鳳池

宋蔡襄

靈禽不世下想像成羽翼  
但願醴泉飲豈復高梧息  
似



有飛鳴心六合定何適

翩翩紫鳳雛送方希直赴漢中教授

明  
鄭居貞

翩翩紫鳳雛羽翮備五彩徘徊千仞翔餘音散江海于  
焉覽德輝濟濟鏘環珮天門何嵯峨羣仙久相待晨沐  
晞朝陽夜息飲沆瀣如何復西飛去去秦關外岐山諒  
非遙啄食良自愛終當巢阿閣庶以鳴昭代

浴鳳沼

明  
程本立

鳳鳥從何來來止桐谿傍錦毛濯春雨彩翮晞朝陽蘋  
藻動浮彩蘭芷吹幽香鳳去今不返空餘鷗鷺行

七言古

附長短句

儀鳳歌

周成王

鳳凰翔兮于紫庭予何德兮以感靈賴先人兮恩澤臻  
于胥樂兮民以寧

鸞

漢崔駰

鸞鳥高翔時來儀應治歸德合望規啄食竹實飲華池

鳳凰臺

元岑安卿

萬里長江東入海，千年高臺今尚在。當時誰道鳳凰來，  
覽德何人足相待。鳳聲悠悠梧葉空，謫仙文采流長虹。  
跨鯨一去不復返，後人欲語羞雷同。海上三山渺何許，  
羣仙騎鳳隔風雨。登臨空詠謫仙詩，白鷺斜飛過秋浦。

神鳳操

明太祖

鈞天奏兮列丹墀，俄翩翩兮鳳凰儀。斂翹翔兮棲梧枝，  
彼觀德兮直為我辭。

五言律

詠鳳

唐  
李嶠

有鳥居丹穴其名曰鳳凰  
九苞應靈瑞五色成文章  
屢向秦樓側頻過洛水陽  
鳴岐今日見阿閣佇來翔

鸞鳳

唐  
李商隱

舊鏡鸞何處衰桐鳳不棲  
金錢饒孔雀錦段落山雞  
王子調清管天人降紫泥  
豈無雲路分相望不應迷

五言排律

儀鳳

唐  
楊嗣復

八方該帝澤威鳳忽來賓向日朱光動迎風翠羽新  
低昂多異趣飲啄迥無鄰郊藪今翔集河圖意等倫  
聞韶知鼓舞偶聖願逡巡比屋初同俗垂恩擊壤人

七言律

鳳洞

元  
張雨

第幾峰前蒼玉洞何年於此鳳求凰梧枝宿久毛皆變  
竹寔餐多髓亦香露濕紫苔春似錦月明丹穴夜生光

我亦鷓鴣行舊儔侶雲中有路共迴翔

五言絕句

舞

唐  
虞世南

繁絃奏淥水長袖轉迴鸞一雙俱應節還似鏡中看

酬人失題

唐  
盧綸

孤鸞將鶴群晴日唳春雲何幸晚飛者清音長此聞

深竹堂

元  
納延

一笏清涼地森森萬玉齊月明時倚杖閒看鳳來棲

七言絕句

襄陽為盧竇紀事

唐元稹

花枝臨水復臨堤  
閒照江流亦照泥  
千萬春風好擡舉  
夜來曾有鳳凰棲

步虛詞

唐朱澤

十二樓藏玉堞中  
鳳凰雙宿碧芙蓉  
流霞淺酌誰同醉  
今夜笙歌第幾重

鳳

唐李商隱

萬里峰巒歸路迷未判容彩借山難  
新春定有將雛樂  
阿閣華池兩處棲

寄酬韓冬郎兼呈畏之負外

李商隱

十歲裁詩走馬成冷灰殘燭動離情  
桐花萬里丹山路  
雛鳳清於老鳳聲

上清

唐  
陸龜蒙

玉林風露寂寥清仙妃對月閒吹笙  
新篁冷澀曲未盡  
細拂雲枝棲鳳驚



題歐陽原功少監家柯敬仲畫

元虞集

潯陽日日水生波  
翠袖黃裳晚棹過  
珠樹月明花婀娜  
鳳毛春暖錦婆娑

紀夢

元楊載

紛紛鸞鶴滿虛空  
耳畔如聞渡海風  
直上雲霄千萬里  
此身飛入紫微宮

遊三茅華陽諸洞

元宋无

冠帶寒星帔剪霞步虛去宴玉宸家醉歸却跨青鸞下  
衝落碧桃無數花

題黃筌竹鸞圖

元 陳旅

一窓晴色綠猗猗羣雀飛來占好枝此竹幾年方結實  
空山秋晚鳳雛饑

輦下曲

元 張昱

五垓千陛立朝廷檻首銅鷗一丈翎不待來儀威鳳至  
日聞韶濩在青冥

閨情

明  
金誠

欲剪紅霞作舞衣  
薄雲涼霧共霏霏  
玉簫吹冷天邊月  
只待乘鸞子晉歸

宮詞

明  
蔣山卿

君王新著紫霞裳  
白玉冠簪八寶光  
夜半碧壇星月冷  
九天仙樂下鸞凰

御定佩文齋詠物詩選卷四百二十二

欽定四庫全書

御定佩文齋詠物詩選卷四百二十三

孔雀類

七言古

孔雀圖

明  
胡儼

有鳥有鳥名孔雀文采光華動揮霍修頸昂昂翠羽翹  
大尾斑斑金錯落由來麗質產南方丹山碧水多翱翔  
芭蕉花開風正軟枕榔葉暗日初長忽聞都護啼一聲

山中百禽皆不鳴  
松篁引韻笙竽奏  
顧影徘徊舞翅輕  
炎荒暑熱時多雨  
尾重低垂飛不舉  
一朝籠養近簾幃  
可憐猶妬美人衣  
永嘉謝環善寫生  
畫圖貌得邊鸞清  
老眼摩挲石苔紫  
渾似枇杷樹底行

五言律

西川使宅有韋令公時孔雀存焉暇日與諸公  
同玩座中兼故府賓妓興嗟者久之因賦此

詩用廣其意

唐  
武元衡

荀令昔居此故巢  
畱越禽動搖金翠尾  
飛舞五池陰上  
客撤瑤瑟美人傷  
蕙心會因南國使  
歸放海雲深

和武門下傷韋令孔雀

唐王 建

孤號秋閣陰韋令在時  
禽覓伴海山黑思鄉  
橘樹深舉頭聞舊曲  
顧尾惜殘金憔悴不飛去  
重君池上心

奉和武相公鎮蜀時詠使宅韋太尉所養孔雀

唐韓 愈

穆穆鸞鳳友何年來止  
茲飄蕭夫故態隔絕抱  
長思翠

角高獨聳金花煥相差坐蒙恩顧重畢命守堦墀

五言排律

和孫朴韋蟾孔雀詠

唐李商隱

此去三梁遠今來萬里携西施因網得秦客被花迷可  
在青鸚鵡非闕碧野雞約眉憐翠羽刮膜想金篦瘴氣  
籠飛遠蠻花向座低輕于趙皇后貴極楚懸黎都護矜  
羅幕佳人炫繡桂屏風臨燭釵捍撥倚香臍舊思牽雲  
葉新愁待雪泥愛堪通夢寐畫得不端倪地錦排蒼雁



簾釘鏤白犀曙霞星斗外涼月露盤西妬好休誇舞經  
寒且少啼紅樓三十級穩穩上丹梯

七言律

孔雀

唐  
李郢

越鳥青春好顏色晴軒入戶看沾衣一聲金翠畫不得  
萬里山川來者稀絲竹慣聽時獨舞樓臺初上欲孤飛  
刺桐花謝芳艸歇南國同巢應望歸

和皮襲美孔雀

唐  
陸龜蒙

懶移金翠傍檐楹斜倚芳叢舊態生  
惟奈瘴烟籠飲啄  
可堪春雨滯飛鳴鴛鴦水畔回頭羨  
葦菴圖前舉眼驚  
爭得鷓鴣來伴著不妨還校有心情

七言絕句

元宮詞

明  
朱有燬

海晏河清罷虎符閒觀翰墨足歡娛  
內中獨召王淵畫  
搦得黃筌孔雀圖

御定佩文齋詠物詩選卷四百二十三